

## KERWEREDD 2001



vorgetragen von Kerweborsch Philipp Meon

Er liewe Leit es is sou weit  
es is werrä hoambescher Kerwe heit.  
Isch gries eisch all moine Doamen und Herrn  
die er kumme seid vun nah un fern.  
Unser Kerb is inzwische iwveroal bekoannt  
in Hepprum, Kerschhause, Erboach, Sunnebach un sundschdischem Ausloand.  
Veel häwwe sisch die Zeit genumme  
un sinn zu uns vun weit hä kumme.  
Oaner dutt schon mitlerweile  
aus de Neeh vun Binge zu uns eile.  
Weil er moant es wer zweifelsfrei,  
die schenscht Kerwe im goanze Gei.

Wie`s Tradition schon jedes Johr,  
stell` isch eisch es Kerwekomitee vor.  
Unser Kerwekenischin veel wisses schon,  
is unsre liebeizende Katharina Meon.

Näwedrou unser Prinzessinne  
Andrea Bauer, Ina Ohlhauser, zwaa flotte Biene.  
Un die zwaa Kerweborsch näwedran  
Boris Jakobi und Franz Petermann.

Also er Leit jetzt wisst er Bescheid un isch mach jetzt weiner,  
mit de neischde Neiischkeide.  
Woann a de Ouschdehoas de Arsch vefrorn  
unser Kerb gäid niemols velorn.  
Darum woas gild die Wett,  
gritt heit monscher soi Fett.  
Woannsem glei nett gfeilt,  
äwä jetzt wäd erschd emol die Gorgel geelt, PROST!

Vors Joahr häwwe a paar Simbel am roschdische Messer die Foon mitgenomme  
wer des gemoacht hot, brauch nimmäi uff unser Kerb zu kumme.  
Es gibt immer noch sou drägische Lumbe  
die soll jo es Gewidder im Ebbelbrei rummstumbbe.

Hoambach hott noch glaubwürdische Aussage,  
e eijeni Müllverbrennungsanlage.  
Es hot plötzlich gschdunge und geraacht,  
wer hot des Feier blous ougfacht.  
Lichderlo hot Müll und Plasdik doo gebrennt,  
die Feierwehr kimmt glei ougerennt.  
Die hot doann mit Umsischt un Bedacht  
dem goanze Schbuuck e Enn gemoacht.  
Zum Glick häwwe mer a schloachkräfdischi Feierwehr.  
Die rennt woanns brennt un leschd,  
jetzt drink isch e mol uff unser Feschd.  
PROST!

Er Leit woas soagt er doann do dezu,  
des Rebstock hott werrä mol zu.  
Es deed sisch nimmäi lohne,  
a wu solle doann die Kerwegäschd wohne.  
Wem soll doann des nitze,  
dauernd wechselt der Besitzer.  
Woann a de Rebstock in Besitzerwechselsjoorn  
is unser Kerb noch loang nett velorn.

Er liewe Audofahrer baßt e mol uff,  
die Bolizei hot e Aag dodruff.  
Woann sou feschiedene Audomärke  
oam Wochenende die Stroß zuparge.  
Woann se gäin ins roschdische Messer noi,  
des gibt doann en deire Woi.  
Woann se moin Rotschloag dunn vegesse,  
kenne se nimmäi bei des Elfriede die gure Hähnschinn esse.  
Fors Knollegeld woas schlieslich koa Bagadelle,  
kennd er eisch besser drei Hähnschin bestelle.  
Dohinne stäid die Elfriede un dutt winge,  
äwwe erschd muß isch jetzt emol oaner drinke.  
PROST!

In Hoamoach an de Stollibäckerei  
blitzt mol werre die Bolizei.  
Seit neischdem a oam Trempers Sepp,  
nauszuss in die Wasserschepp.

Souwoas is arig wischdisch,  
un isch finn des a goanz rischdisch.

Doch gibt's noch moansche Sache  
die wern dringend a zu mache.  
Drum frog isch die maßgebende Herrn  
woas soll aus folgende Probleme wern.

Woas macht en Schwerlaschder, woann er die Richdung Hoambach nimmt,  
un unne oan die Ort dafel kimmt  
- und liest, daß in Owwerhoambach koa Wennedemöglichkeit ist,  
woas macht der, heed isch gern gewißt.  
Der däff jo nett dorschs Doal der Rouse,  
laut Gsetz muß er werre rickwärts uff die B3 stouße.  
Des negschde Problem, oan de Ourewoldschul stäid e Schild,  
moine Herrn seid er iwverhaupt im Bild.  
Guckd emol un gäit nuff,  
uff 12 Tonne beschrenkt stäid do druff.  
Des iss jo groad zum lache,  
woas soll der 30-Tonnenfahrer mache.  
Der muß stäi bleiwe bis zum jingschde Doach,  
oder biss een drifft de Schloach  
Es wer wäglich dringend un ach gut,  
daß sich dem Problem oaner ounemme dutt.  
Woann nett, woas gilt die Wett,  
hämmer negschd Jahr werrer e Thema vor die Kerweredd.  
Un jetzt mach isch mol e Verschnaufpaus  
und drink debei moin Gloas aus.  
PROST!

Woas lange wert wird endlisch gut,  
es war Zeit, daß sisch im Herdweg woas dutt.  
Loang Loang hots gedauert, isch häbs nett kabiert,  
endlisch wädd die Stooß do repariert.  
Leit wu in däre Zeit uff de Kerschhouf misse,  
fahrn jetzt dorsch Wingert, Feld un Wisse.

Doch muß isch misch jetzt froche,  
wie dunn oalde Leit ohne Audo er Blumme nuffdroache.  
Hoffentlich iss doann oan de Umleitung  
a die rischdisch Beschilderung.  
Woann nett fahrt mit Ruh und Geduld,  
denn woann woas bassiert, seid ER immer schuld.  
En Acheblick häiä isch werre uff,

die Musik mach inzwischen oaner druff.  
PROST!

Die SPD hott e oaneri Zeitreschnung,  
sou schdäits in erne Wahlzeidung.  
Die SPD es is koan Scherz,  
er Wahl war schon oam 11. März.  
Mer sied doraus,  
die SPD ist ihrer Zeit voraus.  
Außerdem häwwe die en gschdoandene Moann,  
im Stadtrat stäid er vorne an.  
Mit Bild in der Zeidung drinn,  
vor Hoambach ist es ein Gewinn.  
Doch fehlt es an soiner Adresse,  
soin Nome hot mer goanz vegesse.  
Er kimmt glei noch em Bürgermeister  
Herr Gerhard Herbert heißt er.  
Woas soacht er do dann do dezu?  
- Doch jetzt kimmd a die CDU.

En Kerweborsch is zum Toange noch Bensem gfahn,  
in der Hoffnung er kennt Benzingeld spaarn.  
Als er sein Auto vollgetankt,  
horre glei e Quiddung verloannt.  
Hot gedenkt heit häwisch Glick,  
un grie vun de CDU moi Geld zurick.  
Doann is er glei hoam gfahn zum Esse,  
äwwe die Quiddung hot er goanz vergesse.  
Soi Froinde häwwen ausgschbott wie die des häwwe gsäie,  
doch um Ausredd woar er nett verläie.  
Er hott gsoad des woar Oabsicht moine Herrn,  
isch wollt vun de CDU nett in die Spendeaffäre verwickelt wern.

Egal ob CDU oder SPD,  
woann er eisch oanisch seid finn isch des schee.  
Woann a verschiedene Moanung doch in der Ausführung des Gleische,  
blouß so kennt er in Hepprum vor Hoambach wos erreische.  
Dud mer mol des Gloas häreische.  
PROST!

In Owwerhoambach is en Rentner ach schon oald,  
fährt mim Bulldog jeden Doach in Woald.  
Dud wocheloang Beem ummache,  
mer häiät` s iwwers goanze Doal laut krache.  
Moients frii fängt er schon ou,

de Bulldog stäid brav näwedrou.  
Doann des bei Wind un Wäre,  
denn der hot bräräre Rärer.  
Äwwer de Bulldog wollt nett de goanze Doach eloa soi,  
is plötzlich querfeld oi de Buggel zoammenoi.  
Is de Berg nunä gerennt,  
weil de Besitzer hot ein Moment gepennt.  
Is er nochgschprunge in Windeseil,  
kreischt, bleib stäi du Dunnerkeil.  
Hot blouß noch gschennt,  
diweil de Bulldog noch en Boam umgerennt.  
Doann hot er sisich uff die Seid geläigt,  
de Fahrer is um een rumm und hot sisich uffgeräigt.  
Oam liebschde heet er die Sach verborge,  
doch wer de Schoare hott, brauch vä de Schrott nett zu Sorge.  
Doch hilfereische Nochber häwwe den Schoare repariert,  
des is ausgereschent em Moann bassiert,  
der sisich arig vä die Öffentlichkeit arangschiert.  
Woann die Leit wu Hilf brauche zu ihm kumme,  
is er immer bereit un immer vor umme

Die Kabell speeld jetzt es koarzes Liedel,  
- PROST Friedell

Schon in oalde Gschischtsblädder kann mer läse,  
in Owwerhoamach wer e wildes, reiberisches Bergvolk gewäse.  
Veel Schlimmes is doamols gschäie,  
doch heit kann mä de Gäjebeweis säie.  
Denn in Owwerhoambach dutt sisich woas,  
des 1. Mai 2000 woar de Oulaas.  
In unserer heidische materialisdische Welt,  
häwwe Idealide en scheene Maieboam uffgschdellt.  
Harmonisch gestaltet aus Metall un Holz,  
goanz Owwerhoambach iss druff stolz.  
Mit Zunfftzeische die Johrhunnerte schon,  
sou wie´ s in Hoambach Tradition.  
Beim Röderhof oam Eselsberg,  
es is e wahres Meisterwerk.  
Es raagt oidrucksvoll zum Himmel empoor,  
Kurt Lannert und Friedel Schmitt woarn Iniziator.  
Woanns noch sou Leit gibt woas e Glick,  
des sieht me oam Maiboam un oan des Deischertsbrick.

Die zupacke unn sisch nett scheniern,  
un nett blouß Johreloang driwwe dischbediern.  
Do sieht mer, daß die Owwerhoambescher nett penne,  
do kann sisch moanscher e Beispiel drou nemme. . . . .

Domit mach isch Schluß er Leit,  
mit unserm Kerwespruch vor heit

Um dodemitt nochemol zu strunze,  
weem is die Kerb. . . . . unser!

ENDE